



Михаил Гаврилович
Лукин



Африкан Алексеевич
Мамонтов



Алексей Дмитриевич
Мишарин



Надежда Филипповна
Ногиева



Иван Григорьевич
Опарин

СІЙО ВӨЛІ ДОНЫСЬ

Кольом нэм пансиг-он Коми пединститутын велодчыліс да бөрүннас уджаліс Донын чужлом Валентин Алексеевич Павлов. Регыдон шедодіс уна вермом. Тіян «Парма гор» газетө сы йылысь ышодіс гижны профессор А.Г.Поршкин.

Валентин Алексеевич Павлов чужис Донын 1916 воын. Квайт арбссянь коліс мамтөг, окмыссянь - батыөг. Бать кулом бөрас кынөмпөт коммис корсьны аслыс, велодчөм эновтны. Бөр босьтчис велодчыны сөмын 1927 воын. 1931 воын кызди бур велодчысьсө, сійос пыртисны комсомолө. Мөд вонас помаліс Куломдінса школа, 1933-1934 воясын уджаліс комсомолын. Бөрүнджык пырис Коми пединститутө да 1939 воын помаліс сійос зэв бұра. Велодчигас вөлі пропагандистон, факультетлөн ВЛКСМ бюроса секретарон, институтлөн ВЛКСМ комитетса секретарон. Кыдзи медся бур студентос кольодісны уджавны институтө. Вөлі математика кабинетын лаборантөн, физмат факультетса деканлы отсасысьсөн, аналитической геометрия велодчысьсөн, физматлөн факультетса веськөдлысьсөлысь могьяс олөмө пөртгысьсөн.

В.А.Павловос бөрйылісны карса Советө депутатөн.

1940 вося февраль 4 лунө босьтисны служитны Гөрд Армияө. Вөлі Великой Отечественной война вылын, тышкасис повтөма. Бергөдчис фронт вылысь ловьяөн. Но эз гортө. Овмөдчис республикаысь бөкө, но кытчө - абу төдса.

Окота төдны Валентин Алексеевич Павловлысь война бөрүн олөм-выломсө. Гашкө, кодкө шыөдчас да мыйкө висьталас сы йылысь.

Вячеслав ПОПОВ,
Коми пединститутлөн
математика кафедраса доцент.

Редакциясынь: В.А.Поповлөн корөмөн шыөдчим Донса администрацияө. Сэни вөзйисны сөрнитны Донса вөвлөм велодчысь Надежда Ивановна Кузнецовакөд. Сійө висьталіс:

«1939 воын ме велөдчи Коми пединститутлөн естественно-географической факультетын. Сэки Валентин Алексеевич Павлов велөдіс нин. Ми гөлиник семьяысь, донтөминик паськөмаөсь, а сійө мича том зон, сьод костюма. Паныдасьлім гежөда, пыр чолөмасьлім. 1940 воын зоньясөс босьтисны армияө. Сідз, миян факультетса 12 зонмысь нуисны окмысөс. Кадысь водз сдایتисны экзаменьяс да тшөтш мунісны нельөд-витөд курсаяс.

Босьтны кө сиктын олан кадсө, В.А.Павловлөн мамыс куліс водз да батыс гөтрасис дөва вылө, кодлөн вөлі Августа ныв. Батыс кулом бөрүн найө кольлісны эня ныла. «Юрган» телеканалын передачаяс нуөдысь Александр Кузнецов - налөн матыс вуж, Августа Васильевналөн внук. Гашкө, сійө төдө Валентин Алексеевичлысь туйпомсө».

Кутам корсьсысьны водзө. Корам отсыштны лыддысьсысьсөс.

СИКТЫН БӨРЬЯ ВЕТЕРАН

Дмитрий Степанович Паршуков война пуксигөн уджаліс чужан Мыс сиктас колхозын: төвнас мырсис вөрүн, гөжөмнас видз-му вылын. Война вылө босьтисны 1942-өд вося августын. Матө во велөдчис ичөт командирьяслөн курсьяс вылын минометчикө. 1943-өд вося июль 6-өд лунө пыр



жө веськаліс Курскөй дугавысва чорыд косьясө. Сотчис муыс, ваыс и көртыс, но советскөй войска пасьвартисны вөрөгөс. Тані эм ыджыд пай и Мысса повтөм мортлөн.

Водзө Дмитрий Степанович өртъясыскөд косьясөн муніс Украиналянь, дорйис Житомир, Бердичев, жугөдіс коршунь-шевченскөй группировка. Сөмын та бөрүн полкы сетісны шойччыны кык вежон. Усьөмаяс пыдди вайисны выль йөзөс.

Сы бөрүн полк муніс Улань кар вылө, вуджис Днестр ю да воис Бессарабияө, көні вуджөдісны Первой Белорусскөй фронт вылө. Январ 14-өд лунө петісны Варшава вылө да куим луня пөсь косьясөн босьтисны сійос. Сэки и чорыда ранитчис Дмитрий Степанович да веськаліс госпитальө. Бурдөдны нуисны Арменияса Гильман карө.

Д.С.Паршуковлөн повтөмлун йылысь висьталөны «За боевые заслуги» да «За отвагу» медальяс, генералиссимус И.В.Сталинлөн 16 аттьөбалөм.

Гортас воис 1945-өд вося май помын. Көть ачыс чотіс да лөка кывзысис кыис, Дмитрий Степанович пыр уджаліс. Веськөдліс клубөн, заготконтраон, вөлі колхозын бригадирөн, пуксьыліс и машина да трактор вылө. Гөтырыскөд быдтисны куим челядьсө.

Талун ветеран олө Василий пыискөд да Мария Михайловна моньыскөд, операция бөрүн өтнас оз нин вермы. Кольом воын сылы сетісны юркарысь патера ньбөом могьяс сертификат. Öти жырьясөс ньбөмаөсь нин. Дзоньталасны да кутасысь овыны сэні. Сідзкө, Мысысь мунас войनावысва бөрья ветеран.

Иван ТАРАБУКИН.



СЬӨЛӨМ КЫРЫШТАН ВИСЬТ

Немдінысь Василиса Фёдоровна Габовалысь көйи юасыштны война кадө уджалөм йылысь, но сійө босьтчис висьтавынь челядьдырсянысь.

- Вит чоя-вокаысь ме вөлі нельөд. Дзоля дырйи на мам висьтавліс, мый выль керкалы подув лөсьөдігөн өти айлов батылы шүөма: «Ыджыд керка эськө панөмыд, Педөр Михайлович, да олөмыд сэні оз ло». Имитіс збылысь, выль керкаын медводдзаясь нурьясигөн и воис юөр, мый миянысь семьянымсө гижөмаөсь кулакьяс лыдө. Мөд луннас и локтисны вит вөлаөн, нуисны да донтөм-доньыс вузалісны став көлуйнымсө. Ношта лун мысти локтисны квайт вөлөн да нуисны жытныкысь став няньнымсө. Бать-мамнымсө арестуйтисны да мөдөдісны «кулакьяслөн уджьяс» вылө. Ми, вит чоя-вока, колім выланым паськөм кежысь. Мамө мунігас шуис: яндзимныс кө пө эм, гортсыд оз вөтлыны. Но эз тай юавны, локтисны да өти лунөн и пилитисны керкатө пес

вылө. Сера Яков миянос петкөдаліс пошукөдным. Вөліны вөла-чаня, кык мөс да кукань. Найос нутөдз орчөн олысь Епим вөзйис начкыны куксө: көть пө аслыныд сөйны кольө. Ыджыд чой Пелагея начкис, но төдмалөмаөсь да ставсө мырддисны, асьсө арестуйтисны. Сьөдз на кытчөкө нулісны медыджыд вок Олюксанос. Колим Егор, ме да ичөт Нина. Петім корны, узлім, кытчө суас войыс, да кытчө лөдзасны. Криста радион вөзйысьлім уджавны «Молния» колхозө. Босьтисны агсасыны да өдортлісны: колхозникьяслөн челядлы сетісны 300 грамм нянь, а миянылы, кулаклөн быдтасьясы, сөмын сөс. Олім важ жытныкысь вөчөм керкаын. Пес вылө қос пуяс кыскалім даддьөн. Йи сувтөм бөрүн Егоркөд вуджавлім мөдлапөвса катище вылө пилитны пу йывьяс. Öтчөд юасытөг пуктім картопель асланым эновтөм му вылө. Арнас гырысьсө сөйим ывла гуө, а понось пыртлім гөбөчө. Локтисны колхозьян да став картопельсө нуисны ывла гусыс. Челядь вылын тадзи тешитчисны. Школаад велөдчыны весиг эз лөдзны.

Колхозө босьтисны быдмыштөм бөрүн. Төвнас заптім вөр, тулыснас кылөдім. Гөжөмнас пуктім турун, арнас босьтім, мый быдмис му вылын. Пыр кысыштлісны кулаклөн челядь нимөн. Мам да чой-вок волісны гортө войнаөдз, а батыным сідзи и куліс көнкө дзескыдінын. Армияө медводз босьтисны Олюксан вокөс, сөсся Егорос. Кынанныс өна ранитчылісны война вылан, но волісны ловйөн. Сөмын эз кольччыны ас сиктө, лөччисны овны Сыктывкарө. Пелагеяос война пуксьөм бөрүн мөдөдісны велөдчыны ФЗО-ө да бөрсө эз жө лок, кольччыліс кар дорө.

Война кадө вөчим сійос жө, мый войнаөдз. Пөрөдім вөр, вөвьясөн кыскалім катище вылө, тулыснас кылөдчим. Унаысь пурьясөн кывтлім карөдз. Öтчөд кылөдім неыджыд пурьяс Иван Аннакөд. Пурьясысь нөрьясыс орьясисны да Сыктывкарө воим кык кер вылө вожасьөмөн.

Война кусөм йылысь юөр суис Джуджыд ягын пурьясянінын. Почтаөн вайисны гижөд, кодөс гораа лыддис бригадир да горөдіс: «Победа!» Вель унаөн вөліны бокиысь мырдөн вайөм йөз. Мый кутіс вөчсыны накөд! Бөрдисны и сералісны, радлісны сы вөсна, мый Победакөд воис мездлун. Бөрүннас унаөн и мунісны. А сійө лунө ыджыд пөртгысын пуисны сөян да уна во бөрүн медводдзаясь сөйим пөттөдз.

Василиса Фёдоровна война бөрүн петіс верөс сайө, овмөдчис Андрей Мамонтовкөд. Но лоис сідз, мый кык ныв да пи чужөм бөрүн сійө муніс семья дорсыс. В.Ф.Габова сувтөдіс көкьяс вылө челядьсө өтнасөн. Талун олөма ань өтнас. Сөрни помын ышловзис: талун пө эськө сөяныд тырмө, да сөйнысө ог вермы, кадыс эм, да узьнысө ог вермы.

Иван ТАРАБУКИН.

ТӨЛЫС ЛӨӨ ШОНЫД

Мысысь Поповьяслөн семьяысь сизим чоя-вока пөвстын Одя вөлі медічөтөн. Чужис омөликөн, быдмис висьлөсөн. Бать-мамыс водз асывсянь сөр рытөдз мырсисны му-видз вылын, видзисны чой-вокыс. Но и налы коммис петны удж вылө, батрачитны озырьясы. Та вөсна ар нельсянь мамыс аскөдыс босьтліс удж вылө.

- Көдзигөн мам өти кинас резө-коялө көйдыс, а мөднас кутө менө. Бөрсянысь муна да таяла, мед көйдысө оз кокавын лөбачьяс, - казтьыліс Евдокия Петровна Попова. - Босьтліс и видз вылө, пуксьөдліс турун юр дорө, и ме видзөді, кызди уджалөны йөзис. Ар витөн ачим куті видзны кага Егор воклысь да Мария чойлысь. Бөрдіганыс ылөдывлі сюр някөн.

Кагаяс видзөмөн да мый да эз артмы велөдчөм, кызкө-мыйкө помаліс сөмын вит класс.

Сійө воясын сиктын котыртчисны колхозьяс. Öгүвья овмөсө медводдза нырөн пырисны и нывкалөн мам-батыс. Уджалісны колхоз вылө весиг гортаныс: батыс гартліс гез, мамыс печкыліс да кыліс дөра.

(Помыс 4 лист бокын).